

石門縣志卷之三十九

人物志

今必行如曾閔文若游夏經術如匡劉功業若房杜求之今古蓋難其人然而五步之內必有芳草十室之邑豈無忠信但使仕不負學志存立言出處較然而忠孝無虧斯不朽之林矣其或委身蓬茆泯沒失傳要當搜而發之以合於歐陽公一行傳之意天門石室清雄光潔之氣乘而生者不少材節述往型以風來者願邑之人踵而興也志人物

名臣

闕

石門縣志

卷三十九

人物

十七

宦業

明

匡文貞本縣故九都人性仁慈多經濟爲諸生時卓有賢聲由歲貢永樂二年任四川羅江縣知縣甫下車值歲旱力行賑給多所全宥修廢舉墜口碑載道秩滿引見百姓攀轅遮畱巷衢俱溢去後作生祠歲時奉之永樂十一年陞禮部精膳司郎中歷陞侍郎居官廉靜蒞任數十載宦囊蕭然循良茂著後膺旌表入祀鄉賢

載通志

梅鶯字道源隆慶歲貢任監利諭先行後文士風不

變宰相張江陵薦稱清時鳴鳳陞國子監學正特簡
內閣侍讀後因江陵所舉張四維等被論駑力引退
量移潮州府通判

載通志

冉盈字文博本縣一都人學問博洽性復孝友由貢
生任江西宜黃令有惠政民爲立生祠陞雲南布政
司經歷入祠鄉賢

載通志

梅春正德貢生任福建德化縣興學愛民邑人德之
刻石五華山紀其政號曰孔碑又署前有二槐民書
其旁曰甘棠遺愛

載通志

謝上箴號南湖其先章華人隨父入籍石門才思富

石門縣志

卷三十九

人物

十八

瞻登明嘉靖壬辰科進士兩任成都太守甚得民心
故其詩有曰爲語兒童莫相避成都舊尹謝南湖
冉藍正德時舉人任四川夔州府通判時邊烽屢警
公多方綏輯民賴以安有功陞鬱林府知府公學有
體用其曾孫維藩亦以政事濟美云

喻壽英由貢生任江西安福縣丞時安福孝廉上春
官者一十八人捐俸豎立瀛洲坊至今以爲美談
田昇任南京太常寺典簿景泰二年以卓異薦陞山
東兗州府通判

梅應舉任江西九江府同知以廉能著聲歸田宦囊

蕭然

姚化龍由副榜選太湖縣丞陞原蒙知縣勤敏廉慈
提場有功擢陞雲南武丁軍民府知府轉水渚監中
道

侯守忠任長洲主簿永樂十五年陞交阯通判有仕
績

顏尙忠字葵獻由歲貢任江西新淦縣丞陞太和知
縣剖訟廉明吏畏民愛尋遷河南汝寧府信陽州知
州未幾以疾致仕歸

皇清

石門縣志

卷三十九

人物

十九

向大捷貢生任江西贛州興國知縣誅靈山賊百姓
安堵俗惑風水爲疏改河流民德而祠之

載郡志

王錫字藩侯康熙間由例貢授貴州遵義府同知弭
盜得法百姓安堵黔民甚戴之

舒作霖任廣西桂林府義寧縣巡檢其地民性醇厚
養牲不羈霖至任常以稽事相勉并嚴令羈牲後遇
歲旱民皆安堵丁艱回里百姓攀留不獲泣送至靖
州之境而還

張授號玉軒學術宏深登乾隆乙酉選薦癸巳補景
山教習乙未授廣東連州州判平訟斷絕苞苴弭□

賊勤溝渠通商賈一切器用之需以民價購歲丙申
齟缺於運販者與民爭售公馳往出戶口冊以給鹽
商民遂靖戊戌米貴舟運不通飢民鬧事公勸富民
出積賑濟餘平價賣民賴以安暨任連山數月閒境
內帖然安枕無恐代州篆延院師設膏火勤考課士
服其教又於署館收從遊之士樂於陶甄多獲雋選
文章政治重於一時連人爲之塑其像於廟亦可想
其澤之及人深矣

謝鴻恩字錫來號麟礪人品端嚴舉動昂藏善屬文
掌教秀峯書院邑庠生多出其門事繼母鍾最孝嘗

石門縣志

卷三十九

人物

二十

道過武昌見江邊商婦姑媳被難失所給銀十六兩
回楊州籍後由廩貢肄業國子監選訓導勤月課嚴
約束常著息訟歌以勸世士林多頌揚之

理學

闕

儒林

明

鄧仲瑀號泮東均忠元孫也隆慶四年歲貢任鄖陽
房縣訓陞河南孟津縣教諭自諸生時勤學修行督
學劉公起宗旌其匾曰行誼端慤及司教兩庠士懷
其德代治五月民頌其清致仕歸邑侯陳公善奉撫

按覆實匾其堂曰林泉高致鄉飲五次壽七十八終
皇清

鄧逢縉字中昭資性恬粹德器靜深由貢就教職選
湖北大冶訓導陞隨州學正戶部尙書余公國柱贈
以壽文謂其得力於主敬存誠在儒中者方之游定
夫羅素仲云

喻汝諧字懷玉康熙九年貢生沉潛古籍善誘後學
門下士沐陶鑄之功者比之吳差山長焉

梅正甲字鼎生號蒙泉才逸品隆由明經授湖北黃
陂縣教諭邑侯程旌其廬曰盛世經師

石門縣志

卷三十九

人物

二十一

陳錫周字與文康熙庚寅選拔孝友不仕邑令許匾
其廬曰星野名賢又榜其門曰經國文章肯讓元龍
獨步傳家醇謹不殊萬石家風

喻旺隆字雲蒸耿介端方長于典故

金登選字來賓雅性渾質接物和平邑人士推有德
君子焉

單立姬字邵菴言坊行表楷模先民

田琦字玉種號方山端方嚴毅銳意科名年十七由

岳補弟子員試輒冠軍鄉試十餘次卒困矮屋許習

兩大宗師曾親書以慰之掌教書院數十年造就甚

衆邑侯師禮之琦益恬然自重了無阿徇意鄉有非
意相干者琦以理遣之曰故人知君君不知故人士
之學守兼優者必推方山云

梅自馨字秉芳號瓊溪臨澧鄉人也未冠補博士員
好學問於書無所不窺著有奇耦典彙共三十六卷
行於世初學憲吳鄭公先生見之以爲車武之流而
序諸簡首其後李寶幢先生試澧稱其援據該博攷
核詳明堪與讀書紀數錄丹鉛隨筆等編參列允宜
奏進等語乾隆乙卯殿撰石琢堂先生惠詩四章洎嘉
慶甲戌大理寺卿劉石陽先生復贈弁言蓋馨之杜

石門縣志

卷三十九

人物

二十二

門纂輯經四十年之久殆所謂用功深而收名遠者
歟馨居家孝友與物無忤然不肯媚世取容著書多
外有石鼓文辨畧幼學翼二書亦琢堂先生所序云
申於極號雲峯滛於書舉拔萃科以省試見黜益發
憤前後鄉試者二十一次士林惜之酷嗜漁洋山人
詩集哦咏終老

辛名燦字夢賚舉孝廉性介如石不樂仕進爲文喜
清剛出其門下者皆自成一隊

龔傳道字韓原性行冲粹少冠童子軍言論造次必
於儒者應秋試十二次年八十二歲鄉里稱爲有道

先生云

侯應烈歲貢矩行規步動必以禮居浮山側有浮山吟在鄉里陰德甚廣學者仰爲積行君子後代科名不絕蓋食其報者長矣

王世璋字如圭少孤好學邃於經術試必冠軍而不獲一舉學者以牆東老人方之從之遊者戶不能容邑之以文行著者璋信兼之矣

田種億字世昌號溧江誠慤端方嘖笑不苟事父方山母陳氏左右無方病則親侍湯藥不解衣帶者數月族有貧乏離散者輒分館金以周卹保全之至不

石門縣志

卷三十九

人物

二十三

能嫁娶與孤寡無依者直身任其事因老由廩納貢家授生徒務期先行後文不隨俗俯仰雖居城市絕干謁邑侯咸重之以爲有古澹臺風至學校重務推爲領袖復公而忘私殆所謂有守有爲者與

文苑

明

文盛號錫泉禮部冠帶生員博洽通儒長於古作舊志載邑侯馬公伯旌其匾曰優禮名儒陳公善舉請鄉飲蓋文行並茂者也

皇清

趙璇字占吉藻思濬發每構一篇如行雲流水

本朝以來敏逸擅長者璇其首也由孝廉任巴陵縣教諭未幾賦歸來又數年卒

田種邠字孟修五都人世有文名邠天姿秀峙爲文必標新領異督學阮裴園甚器之屢薦不售以明經終

辛國棟字爲憲庠生五輝之子爲人天性孝友篤志詩書雅量淵涵與物無競十五遊泮十六食餼屢試優等學政倪國璉題曰文行兼優邑侯潘題其廬曰儒林表率由乾隆六年拔貢後授同知未赴任卒子

石門縣志

卷三十九

人物

二十四

名顯大學生名煥庠生姪名燦庚子舉人孫曾蔚起多列鬢宮家學淵源足爲一邑之望

張授字漢聞號玉軒少警敏文富而健以乾隆乙酉科拔貢任廣東連州別駕有治聲所著有歸楚別言及玉軒文稿

吳家駒邑廩生性敏異殿撰石琢堂先生奇其文甚嗟賞之累薦秋圍未貢而歿駒於邑中事甚晰今奉文續志資其攷訂者不少也

處士

明

楊愚字守哲本縣二十都人幼穎悟補澧庠生兩丁親艱遂絕意仕進誦讀自娛士之力學貧苦者獎掖常恐不及大龍灘多亂石舟行患之愚俟水涸捐貲募工去其甚者水勢少殺舟行頗安凡貸人以緡不受券濟人之貧不問名訐訟不息者釋其忿婚嫁不贍者助其貲邑人皆敬事之爲有德君子云

王之肱字心翼號敬亭邑武庠雖習韜鈴實嫻文雅門行敦至子五人鎬鑑銳鎮鈞暨孫永泰皆登庠舉明經後裔之盛莫之及焉壽八十三歲卒

皇清

石門縣志

卷三十九

人物

二十五

汪凌雲字步青號菊軒邑名諸生踐履篤實居家和鄉里調貧乏息爭解忿衆皆服其公平常倡首建界溪礪不惜財力至今口碑載道壽八十二歲

吳尙義字秉衡邑庠生祖居城市性方嚴謹步履家不中貲而好義樂施乾隆戊戌歲饑減己日用以給鄰里讀文喜方文轉郭昆甫兩先生雋峭弱冠遊泮赴丁酉鄉闈爲驚風波絕意科第隱居花山之蘭谷文酒自適囂然塵世之外足不履城市者幾三十年

陳玉勳字搢揚邑庠生其父處士念修公持身端嚴家庭肅然晨夕子孫問視侍側怒卽飭跪勳委婉□

事不離左右遇古人格言皆敬錄之以爲謹身之助
且訓蒙士焉其足爲後學楷模如此

梅昌本字百始優廩生嘉慶元年縣學接奉

恩詔以生及今歲薦楊國儒優增生梁正蔚詳舉孝廉方正皆力辭不就故士林咸服其恬退云

忠義

明

鄧均忠字天衡至正十二年崙長向思永劫鄉邑忠
糾里丁拒守境土以寧十四年永大猖獗攻縣城均
忠復率義勇勦殺封八番順元等處宣慰司次男鄧

石門縣志

卷三十九

人物

二十六

義襲職二十四年甲辰歸明從徐丞相征崙長覃厓
陞千戶繼征夏克武之子夏得忠陞雲南金齒衛指
揮使卒諡忠節祀鄉賢世襲一子嘉靖間六世孫鄧
璽改調承天府顯陵衛

覃順先秦漢中人施州總管覃伯堅四世孫也先因
二世友仁自麻寮徙居添平及順拓地益廣所統益
衆元季兵亂依臺宜爲寨明興順內附設添平千戶
所授土官千戶添平俗彝順化而革之覃文孫順之
子襲職調征容美安福獲其酋唐大孫夏得忠等朝
廷賞鈔二千錠字號勘合百道添平舊屬常德衛□

孫奏改九谿衛又以祖貫雍秦耻習苗蠻陋俗盡將所隘土附石門縣焉

皇清

伍師昌字配周世襲細沙隘百戶性慷慨不爲齷齪小謹歲歉施貸州縣皆獎匾額乾隆甲辰學宮落成公捐三百緡起櫺星門其孫曾子衿相繼人以爲仗義之報

龔元良字萬貞貧時在邑西客寓度日乾隆癸未歲十二月除日有慈利高吉士同一人過店小憇去元良婦張氏於門外橙上拾得包袱一個以示元良元

石門縣志

卷三十九

人物

二十七

良開視之約百餘金置之櫃中戒勿動日晡時牲醴祀祖吉士貿貿然來卒然問銀元良卽應之曰在爲爾拾之矣細問其袂色與銀數俱符卽還之吉士欲謝以銀之半元良固辭不受吉士叩謝而去後元良家漸優裕長子鴻恩能文未售次子鴻忠例入成均元良卒時壽七十餘張氏八十餘歲猶健人以爲拾金不昧厚德之報云

賈昇東字旭旦太學生居家孝友遇人喜贈以好語里中有藁葬者心甚憐之遞年捐施棺木近於白雲山建修文昌廟一所其好善樂施類如此

張孔範字九疇邑庠生鄉飲舉介賓嘗館於岳郡歲暮歸里失路見一舍烟火寂寥令介假宿主人力拒不納範溫語懇求再三不得復聞內有飲泣聲堅詢其故主人以實告蓋欠某債逼索不得償將以其妻嫁商人約於是夜書券夫婦不忍別重自傷耳詳問其數計囊中金尙不足抵卽令往辭商人且曰汝明日請富翁至余代汝還夫婦拜謝富翁至算盡子母共計五十餘金範曰翁欲歸債令人夫婦折離忍乎余以館金可抵翁本祈翁讓利以全此事何如富翁許之乃出其金以與之厥後範之子春榜爲常寧訓

導孫曾多盛顯足徵積德之報云

梅自嘉字我賓家僅小康遇貧苦喜週濟乾隆初桃源張某娶媳託伊戚許某貸銀且云我與梅翁素昧平生非君一言不爲力許曰梅乃長者自往必得銀旣而果然後十餘年翁已忘之矣忽有老人攜少年至自言娶媳得孫今來償銀者翁與相視而笑力辭不受至今鄉里猶追述其厚德云

周世鳳勤苦成家慷慨好施縣北百餘里黃水入漑之所乃南北通衢也舊有二八礮爲水冲毀春夏間行者多阻鳳倡首鑄石垂成復爲水傾石盡入河鳳

乃一人築室礪頭齋戒監工費千餘金半載工竣始回漁兒溪義渡亦捐銀二百餘凡崎嶇處多所修理行者賴之至所貸銀粟有貧不能還者輒破其券可謂好行其德矣

鄭金材字國梁秉性端方敦行孝弟謹受父訓怒撻不敢違父寢疾日夜侍奉歿後廬墓三年薦新流淚卽奉諸兄操几杖侍立不敢坐爲人存心忠厚壬申春雨雹傷麥概不收地租食穀稍餘必減價雖一斗一升不辭勞焉有謝姓者益陽人孤貧僱工營生予之熟地頗有積聚代爲生息憑人算明登簿後伊姪

挈財迎歸鄉有貧不能葬不能婚者必助之嘗教其家曰有力者須行好事無力者要存好心苟有贏餘必以分人又曰積富不如積德積金不如積書故於邑公事以及橋梁解囊樂捐偶有借貸不索隻字人亦無有或負者生平不肯構訟凡遇紛難必出貲和解求索強據等弊情願損己利人一鄉推爲長者胡世宏字恢先胡瑋第三子庠生胡塘之姪也八歲失怙依靠二兄及長分居家道漸裕事母生養死葬一切獨任念其兄貧苦將原業義讓並常分金粟每述陰隲格言勸誡鄉里荒年周給親戚餘穀減價零

賣有嫁娶葬埋不給者俱解囊助之曾於易家渡置
義地一處安厝死無歸者子良璽業儒槌列成均現
年七十有八夫婦齊眉鄉人稱爲孝義之報云

覃宇柱世襲千總宙魁之父也爲人厚重好義甫生
半載失怙長事祖父以柏與母柳氏極孝將婚時其
岳父以女有廢疾命之別娶柱曰婚自幼訂今有疾
而我棄之誰復娶之吾不忍爲此薄行也娶至果不
能任婦事柱更憐憫善視之生子名宙魁喜曰足承
先祀矣不敢以多男累吾母其厚於義而篤於孝者
如此因早歿未襲祖職其子宙魁仍襲之殆亦陰德

石門縣志

卷三十九

人物

三十

之報云

孝友

元

馬安父喪膝行負土成墳廬墓三年有司以聞

崇祀鄉賢

明

邵茂贊母性懼雷每以身翼之母歿值雷鳴則張蓋
伴墓事聞

旌表

皇清

梅成林字子性天性孝友生母早逝事繼母三俱克

盡子職邑侯張公霖屢欲上聞林堅懇辭因旌其門
曰孝子

向安世邑庠生舊志載冲齡懷菓不殊陸氏家風稍
長薦藜寧讓曾家遺矩方期舒長於愛日不謂慘澹
於慈雲修勝會於七里礪頭泣墓廬於三年月下金
萱方萎靈椿載榮恪盡天倫無愧子道已據士民呈
詳建坊用光

聖治

黃士志其先楚北人少孤母改適陳姓志後尋母於
蘭溪相抱痛哭繼父矜其至性給以牛畜田產不受

石門縣志

卷三十九

人物

三十一

曰吾受陳厚恩則不得復爲黃氏子矣惟相依孝養
其後買舟販鹽鹽店誤發二千志覺卽如數退還鹽
店當斥逐發鹽者志復告曰此一時之誤若因此被
斥是以我故累渠也義不忍由是發鹽者得不去其
爲人誠篤如此

向萬才性敦孝友父年七十有三恒多疾才嘗割股
療之果愈明年母疾亦然而家人不之知也有見其
殷際刀痕者詢得其實閭里始嘖嘖傳之越二年父
又疾且不起藥石罔效一室皇如才搶地呼天無已
復割股食之父漸甦疾亦漸瘳是其精誠足以感格

矣夫匹夫愚孝非合天經至於再三出此其心可鑑
而其事可傳志之以垂不朽

蕭民新字哲宣號敬齋年十八入泮以舌代耕母鄧
氏染風疾起居不時飲食無常卽廢館左右就養晝
夜不倦如此者八年母亾詣靈供奉悉如生前父乃
以之死之生諭止之其事父亦然及老見父母遺物
猶流淚廢食妻夏氏恐其悲傷一切故物拾入密處
兄弟有口潤難支者輒分錢穀以周給之令其自取
並不記數里有惜財者則勸之曰兄弟情重饑寒飽
煖一有不勻恐貽父母憂人共服其孝友焉卒年七

十三

張應簡字在廷號迪齋貢生學徵公孫也天性孝友
家貧篤學爲諸生遠迎之館不就嘗服賈事親冬雪
乏薪身負於路族戚見而憐之有遺之者父病欲食
羊烹以供膳延客蔬食客益重焉其妻早亾卽父母
病中穢衣亦自澣濯親年皆九十餘未嘗少離歿後
身爲修築嘗泣於墓鄉隣爲之感惻

熊銓家貧無妻復多宿病常賣菓食度日歸必市魚
肉親爲烹調以供父母父母自相詬誶銓婉言勸解
卽怒及銓受撻畧無怨言此孝之出於天性者

謝光耀父早故家貧傭工營生主人有好食輒告之以遺其母夏則涼枕冬則溫席如是者有年後母八十餘卒光耀亦逾年而歿

喻國屏陰陽學兄弟四人屏居長父歿屏攬家事身率勤儉分毫無私家益饒裕及分居產任弟擇諸弟私財累數百金而屏獨蔑如人服其公云

魏聯第字登科兄弟五人分居後第家頗厚與弟姪籌畫代爲嫁娶五弟無嗣迎之共膳歿後附身附棺命與己同年六十始得子名經麟列太學生孫亦成立壽至九十而卒

曹瑞瑛太學生例貢生國寶之弟也其兄治家精嚴雖細務必委瑞瑛身親稍不當意其兄輒怒瑞瑛默然速改之不敢違兄歿一切事務必稟命其嫂此真善爲弟者

余世達字非聞貢生世福之弟也友于克篤雖分爨一如共爨每食兄飯亦飯食畢乃退兄性嗜酒達必具膳佐之兄疎于家計而日用所需支絀不形皆達所布置也